



Broj: 27-05-41335-106/19  
Sarajevo, 10.02.2020. godine. godine

**SKUPŠTINA KANTONA SARAJEVO**  
**Služba za skupštinske poslove**  
**- O V D J E -**

**PREDMET:** Odgovor na zastupničko pitanje, dostavlja se, -

**VEZA:** Akt Skupštine Kantona Sarajevo broj: 01-05-41335-106/19 od 26.11.2019. godine

Aktom Stručne službe Vlade Kantona Sarajevo broj: 16-01-05-41335-106/19 od 22.01.2020. godine dostavljeno je zastupničko pitanje koje je zastupnica Jasmina Bišćević-Tokić postavila na 15. Radnoj sjednici Skupštine Kantona Sarajevo održanoj dana 19.11.2019. godine u okviru tačke dnevnog reda "Poslanička/zastupnička pitanja, inicijative i odgovori", kako slijedi:

**"Koji su kriteriji za izbor članova komisija pri ministarstvima Kantona Sarajevo, te da li osobe koje su penzionisane mogu biti članovi istih?"**

Navedeno zastupničko pitanje je upućeno svim ministarstvima, te u vezi sa istim Ministarstvo komunalne privrede i infrastrukture Kantona Sarajevo daje sljedeći:

**- o d g v o r -**

Odlukom o načinu obrazovanja i utvrđivanju visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj: 21/09 -Prečišćeni tekst, 19/12, 26/14 i 44/14) utvrđen je način obrazovanja komisija i drugih radnih tijela, uslovi i kriteriji za obrazovanje komisija, način ostvarivanja i visina novčane naknade za članove komisije.

Također, članom 35. Pravilnika o unutrašnjoj organizaciji Ministarstva komunalne privrede i infrastrukture Kantona Sarajevo definisano je da je za izvršenje pojedinih složenijih poslova i zadataka koji zahtijevaju zajednički rad državnih službenika različitog profila iz više organizacionih jedinica mogu se obrazovati stalne i povremene komisije, radne grupe i druga radna tijela.





Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Communal Economy and**  
**Infrastructure**

Ministarstvo komunalne privrede i infrastrukture Kantona Sarajevo u okviru djelokruga rada, formira komisije radi izvršenja obaveza i zadataka utvrđenih posebnim propisima i kojima je za izvršenje istih propisana obaveza obrazovanja komisije, a sve uz shodnu primjenu odredbi naprijed navedene Odluke.

S tim u vezi, nisu uspostavljeni posebni kriteriji za imenovanja u komisije s obzirom na primjenu različitih propisa odnosno djelovanja u različitim oblastima u kojima postoji potreba za izvršenje poslova i zadataka, ali se prilikom odabira sastava komisija vodi računa da se u iste imenuju lica koja posjeduju stručna znanja u konkretnoj oblasti i čiji su radni zadaci usko povezani ili srodni sa zadatkom komisije. U posebnim slučajevima, kada poslove ne mogu obaviti zaposleni u Ministarstvu odnosno kada postoji objektivna potreba za angažovanjem lica iz drugih organa, sa drugih nivoa vlasti ili stručnjaka iz određenih oblasti imenuju se vanjski saradnici, kao priznati stručnjaci u konkretnoj oblasti u kojoj komisija ili radna grupa treba izvršiti zadatak.

U slučaju da se komisija formira od predstavnika različitih institucija ili organa uprave, svaka institucija predlaže svog predstavnika.

**S poštovanjem**

  
**MINISTAR**  
**mr. sc. Srdan Mandić**

Dostaviti:

1. Naslovu
2. Stručna služba Vlade Kantona Sarajevo- na znanje
3. Evidencija
4. A/a

